



175 fundur stjórnar SSV

Fundur haldinn í stjórn SSV, miðvikudaginn 7 júní kl.10.00 í Borgarnesi.

Mætt voru; Guðveig Eyglóardóttir, Líf Lárusdóttir, Ragnar Sæmundsson, Elín Gunnarsdóttir, Sigurður Guðmundsson, Jakob B. Jakobsson, Júníana Óttarsdóttir og Sigurbjörg Ottesen. Garðar Svanson mætti í forföllum Jósefs Kjartanssonar og Ingibjörg Steinudóttir í forföllum Eyjólfssonar. Þá boðaði Guðný Elíasdóttir forföll en varamaður hennar hafði ekki tækni á að mæta. Pálmi Sævarsson sat fundinn undir lið 7. Þá sat Páll S. Brynjarsson framkvæmdastjóri SSV fundinn og ritaði fundargerð.

Guðveig Eyglóardóttir, formaður SSV, setti fund kl.10.00

1. Fundargerð 174 fundar stjórnar SSV

Formaður lagði fram fundargerð frá 174 fundi stjórnar SSV til staðfestingar. Stjórn staðfesti fundargerðina.

2. Almenningsamgöngur

Framkvæmdastjóri kynnti styrkveitingu Byggðastofnunar til SSV úr verkefninu Almenningsamgöngur um allt land. SSV fékk styrk að upphæð 12,8 m.kr. til þess að byggja upp almenningsamgöngur á milli Búðardals og Borgarness, en sérstaklega er horft til þess að aksturinn nýtist framhaldsskólanemum.

3. Fræðsluferð fyrir sveitarstjórnarfólk af Vesturlandi

Lagt fram minnisblað vegna fyrirhugaðrar fræðsluferðar dagana 28 ágúst til 1 september fyrir sveitarstjórnarfólk á Vesturlandi.

4. Almannaþingin á Vesturlandi

Lagt fram minnisblað um samstarf um ráðningu starfsmanns fyrir almannaþingarnefnd Vesturlands. Jafnframt eru lögð fram drög að samningi um verkefnið. Stjórn ræddi verkefnið og samningsdrögin og samþykkti að vísa því til umræðu hjá sveitarfélögunum á Vesturlandi.

5. Efling kornræktar á Vesturlandi

Landbúnaðarháskóli Íslands lét nýverið kynna skýrslu um kornrækt á Íslandi. Þar kemur fram að tækifæri til þess að efla kornrækt á Vesturlandi séu mikil. Stjórn SSV fagnaði framkominn skýrslu og lýsti áhuga á aðkomu SSV að vinnu við þetta verkefni. Jafnframt beinir stjórn SSV því til stjórnvalda að hraða uppbyggingu jarðræktarmiðstöðvar við Landbúnaðarháskóla Íslands, en hún er ein af forsendum þess að hægt sé að efla kornrækt og aðra jarðrækt hérlendis.

6. Verðmætasköpun á sauðfjárræktarsvæðum

Lagt fram minnisblað um verkefnið „Verðmætasköpun á sauðfjárræktarsvæðum“. Stjórn lýsir yfir ánægju sinni með verkefnið og hefur væntingar til þess að það muni stuðla að verðmæta- og nýsköpun í Dalabyggð og á öðrum sauðfjárræktarsvæðum.

7. Samgöngumál

Á fundinn mætti Pálmi Þór Sævarsson svæðisstjóri Vegagerðarinnar á Vesturlandi og Vestfjörðum og kynnti helstu verkefni sem unnið er að og eru í farvatninu. Rætt var um nýframkvæmdir og viðhald vega. Undir umræðu um viðhald vega samþykkti stjórn eftirfarandi bókun.

„Stjórn SSV skorar á yfirvöld samgöngumála að veita nú þegar fjármunum til þess að fara í viðhaldsverkefni við Snæfellsnessveg nr. 54. Viðhald á veginum, sérstaklega á kaflanum á milli Brúarhrauns og Dalsmýnnis, þolir enga bið. Stjórn SSV tekur því undir áhyggjur Vegagerðarinnar um að ef ekki verður farið í endurbætur fljótlega þurfi að ráðast í aðgerðir eins og að draga úr umferðarhraða til þess að tryggja umferðaröryggi á veginum“,

Þá ræddi stjórn undirbúning Sundabrautar og beinir því til Sambands íslenskra sveitarfélaga að tryggja að Vesturland eigi fulltrúa í vinnuhópi um Sundabraut. Því leggur stjórn til að Haraldur Benediktsson bæjarstjóri á Akranesi verði skipaður fulltrúi í vinnuhópnum í stað Sævars Freys Þráinssonar sem nýverið lét af störfum bæjarstjóra á Akranes.

8. Forvarnir gegn ofbeldi

Lagt fram til kynningar erindi frá lögreglustjóranum á Vesturlandi um samstarf við sveitarfélögin á Vesturlandi varðandi verkefnið forvarnir gegn ofbeldi. Stjórn SSV samþykkir að skipa Sólveigu Sigurðardóttur deildarstjóra hjá Akraneskaupstað í framkvæmdaráð verkefnisins á Vesturlandi. Jafnframt hvetur stjórn sveitarfélögin á Vesturlandi að skipa tengiliðið við verkefnið.

9. Aðalfundur Nývest

Lögð fram ársskýrsla Nývest en aðalfundur fór fram 6 júní s.l. Rætt var um hvernig farið verði með það fjármagn sem Byggðastofnun veitti í gegnum byggðaáætlun til undirbúnings og stofnunar NýVest, en um 4,4 m.kr. voru ónotaðar þegar undirbúningi lauk. Stjórn samþykkti að þessir fjármunir myndu renna til starfsemi NýVest.

10. Haustþing SSV 2023

Rætt um staðsetningu og þema fyrir Haustþing SSV 2023. Stjórn samþykkti að þingið fari fram í Hvalfjarðarsveit og þema þess verði menntamál.

11. Fundaplan fyrir stjórn SSV

Lögð fram tillaga að fundaplani fyrir stjórn SSV fram að aðalfundi 2024. Stjórn samþykkti tillöguna.

12. Skipulags og byggingarmál

Rætt um skipulags og byggingarmál og samstarf sveitarfélaga á Vesturlandi um þessi verkefni. Framkvæmdastjóra var falið að taka saman minnisblað um stöðu mála á Vesturlandi varðandi þessi verkefni.

13. Verkefnið Stafræn þróun

Sævar Freyr Þráinsson hefur sagt sig frá setu í Stafrænu ráði Sambands íslenskra sveitarfélaga, en hann hefur látið af störfum. Samband íslenskra sveitarfélaga hefur tilkynnt SSV að

samkvæmt erindisbréfi hópsins verða þeir sem skipaðir eru í ráðið annaðhvort að vera kjörnir fulltrúar eða framkvæmdastjórar sveitarfélaga. Stjórn SSV samþykkti að skipa Lindu B. Pálsdóttur sveitarstjóra í Hvalfjarðarsveit í Stafrænt ráð Sambands íslenskra sveitarfélaga.

14. Framlögð mál

- a. Fundargerð frá SASS, 595 fundur
- b. Fundargerð frá SSNE, 52 fundur
- c. Fundargerð frá Sambandi íslenskra sveitarfélaga, 927 fundur

Fundi slitið kl. 12.58